



維中華民國十四年四月十日國民軍第二軍長河南軍務督辦胡公勵生薨于位春秋三十有四天下惜之
 越十五日歸骨于秦庶民塞道涕泣欲送治喪者定于十一月十六日安葬華山王猛台下以余知公嗚為文
 埋幽質遠按狀公諱景翼字勵生亦字笠僧陝西富平人生而魁梧奇偉初入學聞鴉片中東諸役每盡鷹與
 日形以射之讀史慕徐達駱元之功自稱中山朋輩因呼之為中山王宣統二年春入同盟會倡議結新軍中
 會黨與渭北刀客且介同志并勿幕錢定三李仲三鄒子良等一再盟于鴈塔寺傳播革命真義秦中革命軍
 之起有大力焉武昌首義陝軍九月一日響應勿幕任陝北招討使公為第一標統帶以四十騎大破會黨張
 南輝于耀縣威名振于河北山西民軍失利勿幕東援升允率甘軍西至攻三水淳化公禦之張戶原血戰終
 日凱旋疾呼取欽立盡半岳嗣南北統一廿軍退勿幕自請解甲公繼之約張義安赴日入成城學校外蒙獨
 立學界推為沁蒙軍代表至滬知袁氏意別有存遂止三年一月復渡日時民黨多亡命東京設浩然學社肄
 兵公亦與焉得遍交南北英俊將歸國余介調孫公中山孫公驥以陝事日俟破京後再迎先生公偕馮毓東
 歸國道京津約劉守中入山西結三晉民黨謀討袁未成歸陝入弟三旅教導營軍官連畢業編為遊擊營長
 有百餘人駐富平洪憲改元陝督陸建章助送尤力各省民黨多失根據謀由西北難難建章知渭北多黨人
 盛陳兵仗親出巡以警之又令其子承武率精銳模範團按行雷平公商之武觀石石象儀等決議伴迎承武
 入縣署伏兵夜半起激戰兩日夜降其衆生禽承武猛薄西安城下建章笑乞盟不半月而陝局定嗣陳樹藩
 督陝僅編為第二團長移防高縣柳志練兵民黨之基本隊伍十大連由是練成六年夏西南護法軍與陳督
 加入督軍團耿直計擊不中退守岐山公奉令注計惟助陳助耿皆非所願張義安知其意十二月舉兵三原
 與陳部巷戰三日破之公馳至樹陝西靖國軍憤陳軍未攻破之義安渡河圍西安又連破陳軍陳急迎劉鎮
 華部入關義安力戰死公痛失良將調隊渡渭而陳又自將來攻慶戰關山之間數月會慶熱下令懲戰倬民
 收獲陳軍亦不能進是時兩軍久相持余間道歸公聯合諸軍推余主持軍事繼為固守將所給單騎注被
 逮入省以死國自誓陳使歸約以所部降弗允念破建功亦不加害幽于署角小樓中潛心經史規摹行草積
 二年所學大進得日記尺許九年秋皖敗于直得釋河北人民如狂歸而整軍理財興教育連歲荒軍餉竭蹶
 甚而中小學校陸增數倍十年夏直軍入關陳軍敗退馮旅長玉祥為前鋒余令公助撫陳部餘衆公念苦戰
 五言民力不繼欲受編余以大義責之去三原公夜半至余家誓終報國竟受編為暫編陝西陸軍第一師長
 十一年三月直奉交惡馮督率部先行公與約輕裝出關將領疑不前乃首先出發水陸兼程東下抵新安值
 趙個軍攻鄭急馮軍不能支乞援鄧寶珊李紀才乃富魁率隊馳至出其不意進攻破之岳維峻李雲龍又下
 開封歸德豫定奉直戰事亦解曹吳以公起自民黨阮之置軍保洛閻復薄其餉直軍將領亦代不平公委蛇
 隱忍竟得保全十三年秋吳佩孚集諸道之師攻奉公密薦李仲三劉守中等陰結馮孫中秋夕洛陽動負令
 下立率全部至通州以餉待補充為辭遲勿進吳因不敢以重兵東遣使促之乃留一旅于通其餘絡繹分
 布喜峰口至平泉捷報朝至曹吳方慶幸夕已回師與馮孫收復北京成立國民軍未幾吳返津抗楊村窺京
 師公命岳維峻趙唐山李紀才李雲龍協同馮軍進攻戰方殷紀才夜襲其後攜馮鴻鈞等吳逃兵艦直軍之
 在榆關者亦全潰近畿烽火息吳迂道回洛復收合殘部北犯公至彰德與敵遇轉戰至鄭十二月十二日入開
 封就督辦職經羅各方人才日詳刷新政治而劉鎮華怒玉琨引其鎮嵩軍全部約十萬出陝佔豫西進逼鄭
 埠公百計求和不得督師黑石關一戰而劉逃斃死兩省粗安方規畫賑濟收撫潰散而右臂生疔連割兩次
 自知不起口授遺囑氣將絕呼曰英雄至此肝腸寸斷矣公為人潤達痛快喜習拳術多力體肥重作書至
 百餘字輒一再寐及覺書未嘗失次或頃刻書數十事分委辦理若寐而構思者然治軍十餘年無時不以愛
 國愛民為倡導綜經過戰事無不以少勝多其在關內諸役尤烈故鄉人每競稱之母侯氏終日績緝妻林氏
 妾盧氏氏子希仲方十歲公臨危其父角亭公在側撫之曰汝身已許國吾不得私悲夫孝養之子耳銘曰
 太華雲開中原天曉振臂一呼豪傑多少為將為儒為僧為佛胸有千秋心無一物亦孫亦徐亦關亦岳國
 之少年世之先覺王翦為友王猛為鄰古今百戰獨為蒸民靈才歸來我亦雪涕十億勞民一聲萬歲

中華民國十四年九月
 安吉吳昌碩篆蓋
 三原于右任撰並書
 王萬有
 劉應文